



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

Art. 5. Corollaria practica ex dictis articulo præcedenti.

urn:nbn:de:hbz:466:1-37144

Quando autem id liceat, quando non, ut
decidatur, ad principia superius n. 130. &
seg. posita est attendendum.

138. XIV. In dubio positivo impro-
priè sic dicto, quale suprà n. 121. ex alio-
rum mente descripsimus, licitum est alterutram partem amplecti; hoc enim est
sequi judicium probabile, quod sati s est,
ut in rebus moralibus juxta rectam ra-
tionem quis prudenter agat, etiam reli-
cto probabiliori judicio, juxta dicta su-
prà à n. 111. Sed enim ad meliorem con-
scientiæ dubiæ directionem ea, quæ ha-
ctenus diximus, ad praxin per casus fre-
quentius obvios, seu corollaria applice-
mus.

ARTICULUS V.

Corollaria practica ex dictis articu- culo precedenti.

139. Corollarium. I. Qui post diligens examen dubitat, an votum, juramentum, aut promissionem fecerit, potest tuto definire, se neque vovisse, neque jurasse, neque promisisse. Suar. de Relig. T. 2. tr. 5. l. 2. de Juram. c. 33. n. 3. & tr. 6. l. 4. de Voto c. 5. n. 7. & cap. 6. n. 2. Fill. tr. 21. c. 4. n. 165. Sanch. l. 1. de Matrim. D. 9. n. 3. & l. 2. D. 41. n. 36. & l. 8. D. 20. n. 11. & l. 1. Mor. c. 10. n. 36. & l. 4. c. 1. n. 16. Laym. l. 1. t. 1. c. 5. §. 4. n. 31. & alij: factum enim in du-
bio non præsumi, sed demonstrari debet, ergo voluntas non est obliganda, nisi liquidò constet de obligatione: quò facit etiam illa regula in foro externo usi-
tata: Nemo solvere cogitur, antequam monstretur esse debitor. Et hoc verum est, et si magis inclinet, ut judicer, se

votum &c. fecisse. Sanch. cit. cap. 10. n. 9. & 36. ubi revocat, quæ docuit l. 2. de Matrim. D. 41. n. 34. Dian. p. 4. tr. 3. R. 10. & alij. Quodsi autem constet de voto (quod fieri potest, si verba pro-
lata in rigore, & secundum propriam acceptionem significant obligationem) dubium verò sit, quo animo sint pro-
lata, obligandis, an simulandi: pro
obligatione voti &c. standum est: alio-
qui si præsumeretur, animum obligandi
defuisse, delictum præsumeretur, quod
juxta dicta n. 130. non est faciendum.
Suar. de relig. ll. cc. Palaus p. 10. n. 4.
Sanch. l. 1. de Matrim. D. 9. n. 13. &
l. 8. D. 20. n. 10. & l. 4. Mor. c. 1. n. 36.
& alij: verba enim sunt signa intentio-
nis, dum non probatur contrarium: ne-
mo enim dicere præsumitur, quod non
fertit, L. Labeo. 7. ff. de supellec. legata.
Similiter si de voto, juramento &c. quod
constat esse factum, dubitetur, an sit
impleatum, implendum est: executio e-
nimi voti, aut alterius obligationis est quid
facti, quod in dubio non præsumitur.
Laym. l. c. Sanch. cit. c. 10. n. 12. Idem
est, si de valore voti dubitetur ob suffi-
cientis deliberationis defectum, ex aliqua
animi perturbatione, metu mortis &c.
provenientem, Sanch. cit. l. 4. c. 1. n. 13. &
lib. 1. de Matrim. D. 8. n. 10. Suar. cit. l. 4.
de voto. c. 6. n. 10. Palaus p. 11. n. 10. &
alij: cùm enim ejusmodi affectus debitam
deliberationem auferre non soleant, in fa-
vorem Voti aut alterius obligationis judi-
candum est, nisi prætendens defectum de-
liberationis eū sufficienter probet. Quod-
si tamen dubitet, vigilne an somnians,
sobrius aut ebrios voverit &c. tuto ju-
dicare poterit, se non vovisse &c. ejus-
modi

modi enim impedimenta semper tollunt usum rationis ad valorem voti &c. requisitum. Suar. n. 9. Palau. n. 8. Quare, qui invincibiliter dubius est de hujusmodi impedimentis, dubitat simul de valore, atque adeo de existentia Voti &c. & sua libertatis possessionem retinet. Neque hoc est contra paulò antè dicta: et si enim dum dubitatur, an votum (quod constat esse factum) animo facto, hoc est, voluntate se non obligans sit editum, etiam dubitetur de aliquo pertinente ad constitutionem & valorem (sine hoc enim animo votum est prorsus invalidum) tamen si tunc stetur pro libertate voventis, delictum de eo præsumitur: peccatum enim est, sine eo animo vovere, quod equidem non contingit, cum statim pro dubitante, an votum sit v. g. in somno editum, vel in plena vigilia, & ideo non est mirum, quod non & quæ in illo, atque in isto casu faveatur libertati voventis.

140. II. Qui certus est de voto, dubitat vero de ejus modo & qualitate, tenetur solum ad id, quod est minus: actus enim præsumitur ita gestus, ut minus, quam fieri potest, voventi sit onerosus, ut tradit Menoch. l. 6. de presump. tota presump. 9. & habetur in cap. ex parte. de censib. ubi Abb. n. 2. & 4. ait, præsumi voventem se minus, quam possit gravare. Et ideo I. qui vovit religionem; dubitat autem, an in communi, vel hanc in particulari, potest ingredi quamlibet, ita ut si ad hanc non admittatur, sit liber a voto. Bonac. D. 1. de refut. q. 2. p. 2. §. un. n. 5. Sanch. cit. D. 41. n. 33. & l. 4. Moral. c. 13. n. 8. & alij. II. Qui vovit, se non habiturum copulam cum

femina; dubitat autem, an delicta, vel illicita intellexerit, potest contrahere nupcias. Bonac. l. c. Sanch. dictio n. 33. Sancius D. 43. n. 4. & alij. III. Qui certus est, se vovisse castitatem; dubitat autem, an perpetuam, vel temporalem; an omnimodam, vel solidum conjugalem; tenetur ad temporalem, vel conjugalem: nisi forte meminerit, se verba perpetuitatem significantia prorulisse. Dian. l. c. & R. 36. Sanch. l. 4. Mor. c. 13. n. 16. & alij. IV. Qui vovit, se recitaturum Rosarium: postea autem dubitat, an intellexerit integrum Rosarium, vel tantum tertiam illius partem, potest eligere tertiam partem: nam & haec dicitur Rosarium. Suar. de voto l. 4. c. 8. n. 5. & alij. V. Qui vovit nummos vel triticum; postea vero dubitat, an voverit maiores nummos, vel mensuras, potest eligere minores, quales in eo loco sunt in usu. Dian. R. 48. Sanch. n. 10. nisi verosimilius præsumi queat, voventem voluisse se ad majorem mensuram, vel rem pretiosiorem obligare, per Reg. 45. in 6. Sanch. n. 11. Suar. c. 7. n. 11. Eodem modo discurrendum est delegatis, de quibus non constat, an sint de majori vel minori quantitate. Bonac. l. c. Sanch. n. 8. & 11. Menoch. l. 4. presump. 106. à n. 1. usque ad 17. nisi ex verbis & materia aliud constet de mente legantis &c.

141. III. Qui certus est, se ad horas canonicas recitandas obligatum esse, dubitat autem, an omnes recitaverit, tenetur eam, de qua dubitat, recitare: quia lex est in possessione. Palau. p. 7. n. 7. Sanch. l. 1. Mor. c. 10. n. 12. & alij. quia obligationi certæ non potest dubia solutione satisficeri. Idem est de eo, qui cer-

tus est de debito contra dicto quod inque;
dubitatur autem, an solverit. Sanch. l.c.
Palaus p.2. n.14. & alii. At qui certus
est, se recitat; sed dubitat, an cum debiti
ta intentione & attentione, presumere
potest, se utrumque praestitisse. Idem est
de eo, qui dubitat, an adhibuerit debitam
attentionem in Sacro, quod ex praecepto
audire debuit, & scit se audivisse. Quan-
quam de attentione non est magnus cui-
piam movendus scrupulus, cum constet
ex dictis p.3. n.257. sufficere attentio-
nem externam, modò sit devota & reli-
giosa.

142. IV. Qui certus est, se vovisse,
dubitatur autem, an ante septennium, cum
vovit, perfectum usum rationis habuerit,
voto non tenetur. Si vero certus sit, se
plenum rationis usum habuisse; dubitet
autem, an septennium expleverit, tene-
tur voto; quia ad voti valorem non re-
quiritur certa ætas, sed sufficit usus ratio-
nis. Ubi tamen excipienda sunt vota
statutum Religiosum constituentia, ad quo-
rum valorem requiri certam ætatem, con-
stat ex Concilio Tridentino. Item non
tenetur voto, qui certus est se vovisse ante
septennium, in quo ratione nondum ute-
batur; dubitet autem, an illud votum
postea ratificaverit, quia possidet certa li-
bertas contra dubiam ratificationem. Ceter-
rum cum dubium est, an pueri habeant
usum rationis, presumendum est, habere,
si septennium expleverint: quia presump-
tio desumitur ex communiter accidenti-
bus; communiter autem contingit, ut
usus rationis habeatur post septennium,
non vero ante illud.

143. V. Si cras sit jejunium, & post
diligens examen dubites, an sit audita

duodecima noctis, potes cœnare & carni-
bus vesci: quia libertas est in possessione.
Sanch. l.2. de Matrim. D.41. n.40. San-
cius D.43. n.5. Palaus tr.4. D.3. p.8. n.6.
Sancius D.43. n.40. Bonac. n.8. Laym.
l.1. rr.1. e.5. §.4. n.36. At si hodie sit jeju-
num, & dubites, an sit duodecima noctis,
non licet: quia præceptum est in posse-
ssione. Constat enim, diem esse jejunii;
dubium autem est, an jam sit transactus.
Sancius n.5. Sanch. Laym. Palaus l.2. et.
Bonac. n.10.

144. VI. Qui certus est, se comedisse,
post diligens autem examen dubitat,
an ante vel post medium noctem; po-
test communicare: quia est in posses-
sione libertatis communicandi. Sed quid?
si quis noctu evigilans comedat, aut bi-
bit, nesciens, nec cire valens, quā horā
bibet aut comederit, an post horam
duodecimam noctis, vel non; poterit
ne communicare? Sancius D.42. à n.9.
contendit, posse: & probabile reputat
Laym. l.c. Dian. p.3. tr.4. R.29.
Sed Sanch. l.c. Bonac. n.8. Palaus n.9.
& alii rectius negant. Ratio est I. quia
expergefactus ē somno non potest in in-
daganda veritate de horis in somno tran-
scendit eam diligentiam adhibere, quam
potest persistens in vigilia ad inquiden-
dum, num ante vel post medium noctem
bibet, & idcirco non potest etiam pru-
dens judicium ferre pro sua libertate; si
quod enim ferat, temere & impruden-
ter feret, prudenti autem judicio ad com-
munionem licetē percipiendam non pos-
to, culpā vacare non potest, qui ad eam
accedit. II. Quia præceptum communi-
candi jejunē, ut Garzias de benef. p.7.
c.2. n.18. apud Sancium D.42. n.7. tra-
dit,

dit, est negativum, & ideo extra casum necessitatis semper obligat: ergo in casu dubii pro ipso standus est, cum sit in possessione certa; dubius, in incerta. III. quia qui dubitat de jejunio ad communionem praequisito, dubitat etiam de dignitate ad eandem necessariam; ergo ne indigne accedit, debet probare, sejejunum esse; cum qualitas non presumatur, nisi probetur, juxta Menochium consil. i. n. 121. & consil. 35. n. 31. probare autem non potest, qui dubius est. IV. quisque debet probare fundamentum suae intentionis; alias succumbet. L. Et, qui dicit: ff. de probat. & L. actor. quod asseverat. L. eodem: fundamentum autem exigendi ab Ecclesia Eucharistiam, est, esse jejunum à culpa mortali in anima, & à ciborum potuque in corpore: ergo dum non probat hoc fundamentum, immerito exigit Eucharistiam. Quando autem media nox incipiat, jam supra p. 3. n. 522. dictum est.

145. VII. Possessor bonae fidei, si post diligens examen adhuc dubitet, num res, quam possidet, sua sit, potest eam retinere: quia possessio illi favet. Sanch. l. 1. Mor. c. 10. n. 76. & D. 41. sapientia n. 22. Bonac. p. 2. n. 6. Palauus p. 2. n. 12. Dian. p. 4. tr. 3. R. 25. & alii. Quin & alienare potest. Sanch. dictio n. 22. Sancius, Palauus l. cc. alioqui inutilis & onerosa esset possessio. Ad restitutionem autem, si tandem verus Dominus compareat, non obligatur; nisi instar possessoris bona fidei. Dian. l. c. Sanch. l. 2. Mor. c. 23. n. 186. Unde si res extet, restituat totam; si consumpta sit, quatenus factus est diutor.

146. VIII. Qui post matrimonium

bona de contractum, incipit de ejus valore dubitare, neque post diligentem veritatis inquisitionem potest illud dubium depellere; potest uti matrimonio, debitum conjugale tam reddendo, quam petendo: dubium enim superveniens non debet bona fidei possessori obesse. Sanch. D. 41. cit. n. 47. Bonac. de precept. D. 2. q. 4. p. 7. n. 20. Suar. T. 2. de Relig. tr. 6. de voto. l. 4. c. 5. n. 16. Dian. p. 3. tr. 4. R. 295.

147. IX. Depositarius, vel Commodatus, si dubitet, num res, apud ipsum deposita, vel commodata suā culpā periret, non tenetur ad restitutionem: quia cum delictum non presumatur, sed probandum sit, ipse censetur esse in possessione suae innocentiae. Sancius D. 41. n. 11. Sanch. n. 18. Palauus p. 4. n. 4.

148. X. In dubio non presumitur, actum aliquem v. g. donationis, legati &c. intervenisse, juxta dicta n. 130. Autem de actu constet, portius est, ut validus, quam ut irritus pronuntietur. Laym. n. 32. ex Glossa L. in contrahenda. ff. de regulis juris.

149. XI. Qui alteri consilium dedit committendi v. g. furti, homicidii &c. dubitat autem, an alter eo consilio motus fuerit de facto ad illud homicidium &c. tenetur ad restitutionem: quia cum constet de consilio dato, dubium autem sit, an effectus inde fuerit secutus, consulens non est in possessione suae innocentiae, ac proinde tenetur, & quidem non minus, quam si certo constaret, alterum eo consilio permotum esse.

150. XII. Quando opere jam patato dubium oritur, an adfuerit consensus vel non; potest homo timoratae conscientiae

tie præsumere, se vel omnino non, vel non nisi imperfectè consenseris. Idem est, si post longum tempus oriatur dubium de peccato mortali admissò : quia cùm homo sit timoratae conscientia, & fuerit etiam tunc, cùm hoc vel illud commisit, utique si advertisset, ussiset tam fortiter peccatum commissum, quam nunc urget dubium.

151. XIII. In dubio, an filius sit legitimus, nec ne, censendum est esse legitimum. Dian. p. 4. tr. 3. R. 6. hæc enim est nativitas conformior naturæ: & quivis in dubio bona famæ possessionem retinere debet: in dubio autem præsumi debet, quod est honestius, ut declarat Baldus in *L. filium. n. 11. ff. de iis, qui sunt sui vel alieni juris.* Vide Palaump. 5. per totum, ubi n. 1. ait, in dubio, an sit spurius, vel naturalis filius, habendum potius esse naturalem, quia etiam hoc est honestius.

152. XIV. In dubio favendum est pietati, religioni & salutis animarum. Sensus est, semper inclinandum esse in eam partem, quæ magis faverit pietati, cæteris paribus; v.g. si puer infidelis, de quo dubitatur, an habeat usum rationis, cupiat baptizari, baptizandus est, reclamantibus licet parentibus; quia hæc agitur de æternâ salute pueri, cuius potior habenda est ratio, quam juris paterni, adeoque præsumendum, quod usurrationis polleat, & ita baptizandus est. Econtra si parentes ve- lint eum baptizari, puer autem, de cuius ratione dubitatur, reclamet, in favorem animæ ipsius præsumendum est, eum usu rationis nondum gaudere, & ex voluntate parentum baptizandus est. Similiter si ægrotus suâ loquelâ destitutus ingemuerit, & nesciarur, an ex dolore corporis,

R. P. Stoz Trib. Panit.

vel ex pœnitudine peccatorum gemitus prodierit, præsumitur, fuisse signum pœnitentia, & absolvitur. Idem fit in aliis dubiis, sequendo illam partem, quæ magis faverit v.g. matrimonio, cause viduarum, pupillorum, Ecclesie &c.

153. XV. Beneficiarius, qui obtenuitatem beneficii dubitat de onere recitandi horas Canonicas, tenetur recitare. Palaus p. 8. n. 11. Dian. R. 25. Certum est enim, eum habere beneficium, & per consequens onus divini officii recitandi illi annexum; dubium autem est, an ab eo ob parvitudinem beneficii excusat; quando autem obligatio est certa, excusatio verò dubia, teneris obedire.

ARTICULUS VI.

De necessitate peccata dubia confitendi.

Difficilis & perardua hæc est questio: nec commodiorem haber locum quædam præsentem. Ad eam verò planius decidendam, repetenda sunt, quæ suprà n. 121. de natura & divisione dubii dixi: ea enim nisi observentur, non poterit dilucida esse & expedita istius difficultatis resolutio. Itaque

154. I. Qui dubitat merè negativè, ita ut nec pro se, nec contra se habeat rationem, potest ab omni onere immunem se reddere: hæc enim dubitatio, cùm, ut dixi, sit potius mera ignorantia, non præbet ullum fundamentum decernendi quicquam in alterutram partem: sed sicut temerè & sine causa concepta est, ita etiam sine culpa deponi potest, & judicium ferri pro immunitate dubitantis; alioqui nimis grave esset onus imposi-

Ccc . . . tum